



四百三十二峯草堂詩鈔

四百三十二峰草堂詩鈔卷第二十四

惠州 趙希璜 渭川

辛酉

周雞彝歌

彝以建初尺度之高七寸濶九寸深五寸獸雙耳
腹用直紋底作棋子格已失其蓋底有識古文出
凡四字由卽棋字古從省象形字周官
司尊彝春祠夏禴祿用雞彝鳥彝注雞彝鳥彝謂
刻而畫之爲雞鳳凰之形疏案尙書云鳴鳥之不
聞彼鳴鳥是鳳凰則此鳥亦是鳳凰故云畫鷄鳳
凰之形也蓋鄭賈皆以彝器刻畫作雞今證之此

識是鑄於彝之腹底非外爲其飾疑康成未覩斯
製殆以意度之 Ψ 爲父 Υ 卽單單父周卿士則此
器爲周器宣和博古圖亦圖此器定爲周單彝而
形製不類又作旗雞單三字亦未審中有父字是
其疎也然據所推證引叔向所謂周其再興乎其
有單子也故知單所以爲姓曰旗則穆公旗也其
說可依鐘鼎款識作雞單彝亦未審得其實今易
爲周雞彝以正舊誤

建初尺度鐘鼎篆玉筋鳥跡毫釐辨星眸閃爍獸耳雙豐
羽婆娑雞距短誰云刻畫雞鳳凰上泚夏商瑚與璉春祠
夏禴禴用彝酌彼黃流陳玉瓚鳴鳥不聞昔悲孔周其再

與其有單王朝卿士穆公旗羊舌大夫披恂欵更據宣和
博古圖細認雞彝形製罕棋雞父單四字銘鄭賈模糊勞
論撰

新莽泉範歌

案泉範縱廣三寸八分餘新莽所製範也漢書食
貨志王莽居攝變漢制以周錢有子母相權於是
更造大錢此範式泉文與志合

大泉五十新莽錢仿周之制子母權實貨有文始周景契
刀錯刀相泝沿五銖已變半兩舊榆莢豈是九府圓金銀
龜貝錢布品那及此范猶流傳古文斑駁露光怪漢書食
貨窮方圓稽彼居攝盜天命恨不鑄鼎圖神姦留茲形模

識篡奪亦如銅臭云薰天特書大夫揚雄死更始殺我來
摧殘幾曾芭菜問奇字爛羊頭好輸千鍰

寄懷錢獻之同年

憐君已抱偏枯病過鄴猶留左手書

獻之於二月內挈眷南歸過鄴見訪留任

七日屢陳生死別十年此會笑譚餘也知老去官如寄

豈但眠時夢是虛我尙欲歸歸未得一簾風雨故人疎

小松足竟同余足行則需人扶掖行

獻之自涉上來札云黃小松司馬病足與

同余已是容且惟却步那堪貧困復呼庚夔憐戲寄南華意

蟹走難追公子橫株守有誰來笑蹙抱關差慰一身輕

新居種竹

新居種竹仿山村培養濃陰衛草門此日出簷掌鳳尾來

春得雨長龍孫

江鄉雨後嘗新笋仕宦名成憶舊林
顧我浮名曾有幾虛中求友歲寒心

千竿我自尋真趣三徑誰來問主人
收得綠雲垂屋角且開青眼卜芳鄰

鄰家不俗誦絃聲鵝鳴雞豚繫我情
德有鄰堂問蘇大翟賢里閑舊知名

紅芳亭

宋元祐中知相州杜純建案鄴乘宋相州解內亭
曰紅芳南臨小池池邊有古杏二株故杜純以名
其亭

倚雲天半散紅芳倒影池中挹曙光
太守詩才來杜老小
亭風景舞霓裳兩株仙種聯奎壁
一曲笙歌引鳳凰我笑
揮毫酣醉後重題畫錦魏公堂

春夢婆行

春夢婆春夢婆儋海風波能幾何
蠻烟蜚雨霎時過我夢
蠻烟與蜚雨豐湖藤菜相思苦
廿年作令究安歸一葉飄
蓬無定所一葉身二毛人堂尋畫錦
是何因異地誰迎香
案吏故鄉空羨鄴中春鄴中遠望
梅花嶺冰雪聰明知絕
等松風亭畔子瞻來羅浮山下師
雄醒春夢婆聽我歌我
歌歌闕離愁多莫道先生春睡穩
道人鐘撞五更過

薄宦

薄宦十年邊邑令新居一首上梁文漫誇白鶴銜佳氣且
喜清漳淨俗氛生產笑栽彭澤柳俸錢買看太行雲向平
昏嫁他時事樂得閒心寄典墳

合藥

殷勤合藥天醫日暝眩能瘳扁鵲方可奈搢筇猶彳亍藉
他起瘡到膏肓連環妙訣刀圭裏元氣中心戊己藏物我
兩忘收視聽藍橋何必飲瓊漿

閒居

謝客猶招謗閒居豈計安祇因避賢路未敢戀微官澹覺
人如菊勞偏老據鞍行將歸粵嶠何必累豬肝

故人來贈酒花下舞淵明意趣歸蝸舍生涯藉筆耕可能

常守嘿或謂近逃名追溯從前事崎嶇已半生

附錢竹西大令

清履

和韻

亦有栖遲樂如巢
蹇得安舉盃酌紅友
策杖倚蒼官
暖閣水融研前村雪
跨鞍曾聞詩思苦
此老欲雕肝
冰鏡高懸月澄懷
了了明不妨留退步
肯便許歸耕
宦海誰知已騷壇
本重名飄飄萍梗泛
何處著鰈生
和熊子升大令

象階

題濬縣志後原韻

游騁琴書適從容
翰墨娛循聲歸赤縣
舊乘續黃圖卓爾
千秋表巍然萬姓謨
績儀無間禹勤溯
克臧嘒楚室看新
造殷畿笑麋屠建
邦康叔國分土耿
鄉都駕羨桑田說
人寧指塊誣岨山
層麓近黎水一灣
廷高弟賢哉賜明
堂器

也瑚祠存傳楷植肩及見墻塗把釣垂淇竹移家異洞湖

乘軒知鶴否過關辨蘧無彼澳興言斐其頤入望殊赫咍

詩疊詠戲謔善忘呼雄雉徐舒羽終風暴起鬢締交觀季

札報聘自勾吳區類條如貫專門事待諏午鐘巢燕喻妖

夢叫天辜簪筆稽唐志麟經失漢儒

唐書五行志漢儒董仲舒劉向與其子歆

之徒皆以春秋供範爲纂修功獨擅文字債同逋絕業君

學而失聖人之本意真臚相求德豈孤

時延偃師武君小谷同纂

何年拓鄜邠當日錫彤盧

考据徵材富泉源湧地斟腐遷辭浩瀚盲左眼漫糊物物

前車鑑招招我友須顯微嚴曲直體例合符繻君子多稱

衛元珠喜索婁贈貽瓊玖珮矜尙浚郊妹瑞旣零靈雨奇

看化赤烏所思全納軌未敢率操觚遷徙歌中定劬勤識

築郭封疆明斥埃雲氣屬桑榆瞻念榛苓處難拘曲瘁株
傳原詳紀載辨却免譏諛據實惟班馬搜神亦鬼狐瘴彰
權善惡禮義固肌膚披卷心焉嚮含毫興欲徂網羅奚漏
闕刪汰盡繁蕪有客彈長鋏無魚願下厨時子升邀余至濟澤躬
親爾雅由陞踐堂途蹟愛尋三至溪誰泐八愚磬聲譏厲
揭忠告掩瑕瑜富教殷車轍黔黎認瘠腴好賢追伐木待
飼似將雛篆籀摹鐘鼎宮墻仰範模家珍忘數典衆壑審
爭趨少試廻瀾手猶澄破霧珠苑枯良有以今昔視悲夫
學必師于古修來道在吾別裁新耳目汎說止歐與可是
懸能易分明價待沽

洪恩蠲積欠大令豁逃租賦減捐煩急徭輕省繫拘川林

饒動植貧賤託薪蘇民瘼時情篤冰兢轉色飲作興應鼓
舞習染棄貪麤副本頻讐校空齋競墨硃癖當成杜預博
不遜程俱幸睹嫋嫋目偏憐固陋軀斷章憑取義後戒聽
先吁樹臬羣遵彼隨隅共唱于立言非寶錄得體卽頑符
肅括呈冠冕精純視籟竽元和箋郡縣嬌美發華苓

附原韻

諸吏真無狀編書且自娛天文月行帛地理鳥飛圖
洪祀敷堯甸醜渠佚禹謨九年波浩浩四日泣呱呱
黎水姬公卜朝歌呂望屠取碑原漢縣辨邑豈商都
孔傳何妨僞桑經未盡誣黃河隨路徙舊衛繞城迂
聖蹟思三至賢官獻六瑚從來多美至

山海經朝此歌多美至

日煥新塗

前年修儒學

定世因蒼澤前知驗震湖士皆興

以起禮敢廢於無植楷祠堂在封泥祀典殊四科傳

魯論一貫繼曾呼瞻仰符高鼻荒唐載滅鬢文章非

越絕言語肯亡吳往哲閒憑弔遺踪喜度諏百僚前

后覲七竅枉人辜紫塞烏桓騎清流白馬儒鄭公違

父去智遠變名逋高地形難合岨山影不孤

余主再成之說

老方逢道士精舍問毘盧碣斷神爲往池開手自斟

岨山新開石池

鹿臺雲霧懸龍洞雨模糊道里原應紀人材

更所須文能追賈策武可棄終繻闕閱分簪紱衣冠

盛曳婁紫樞排靜女彤管列莊姝紙作凝脂滑絲垂

小格烏雕鏤求副墨字畫較奇觚史是千秋鑑經爲

猷說郭徵文崇鼎鼐考獻當枌榆浮語譏膠柱迂談
笑守株非非寧肯謗是是不曾諛幾卷聊書蠹三長
乏董派高堅無骨力剽竊但皮膚況是風塵吏空令
歲月徂心思多閉塞筆硯久荒蕪故事忘三篋時名
少八厨胡孫入布袋驚馬上長途幸有方聞士都憐
下走愚醜酣唐穆員醇酒漢周瑜就養身常健謂孫
辭榮貌更腴朱春源已引疾貲郎歸粉署渭川以安陽
得新雛威鵠泉新執友皆耆宿良朋作楷模渭川修
鵠泉修涉志古人驅以走大力負而趨筆下降魔杵胸中
記事珠擬之知未可同處若斯夫糾繆呼將伯甄陶
改故吾但能垂不朽何惜請須臾長檄來梁國輕帆

下直沽

時余委運直省賑米

嗷嗷方待哺急急勝輸租官裏頭

銜小廳前役吏拘暫離如病間偶假覺心蘓擊汰聽

吳曲揚舫賽楚飲穀紋波上細纜影月中羸舵響難

追戚

鶴泉亦委運米

鞭絲欲挽朱想隨長嘯後未與倚樓俱

落月懷尊酒晨風送賤軀相思憑短札悵望託長吁

著錄非貽厥交游比友于縱能逃穢史終是詭癡符

勞者空鳴篴羈人自濫竽吟詩還一笑里耳悅皇華

余以引嫌去官將辭鄴下鄒霞城大令賦詩贈別依

韻和之

求友和平藉檢身去官落拓不憂貧說文點畫追倉頡爾

雅蟲魚注李巡放浪尚存湖海氣清閒真到草萊人

漢書京義

傳詔求能爲韓詩者徵義待詔義上疏曰臣山東草萊之人竊以聞道於先師自託於經術也願得賜清閒之燕得盡精思猗玗子本多豪興合共移家住瀼濱

五經手寫置巾箱老易頻書瘖子光已笑贅庄都斥鹵況無買橐課兒郎紫團未敢忘君惠霞城曾以紫團參見餉蘆酒猶堪

對菊嘗來歲豐湖歸舊隱沉吟獨立寄滄茫

標榜偏辜月旦頌揄揚追感薦延恩一行作吏名奚立卅載依人舌幸存畢竟避親循故事不妨初服閉蓬門鄴中有客同藜藿鉅筆鴻文邢與溫

原非刀筆積勞遷吏隱風流敦謫仙鶴駕鸞駝空復爾雄飛雌伏想當然葛洪枉自求勾漏劉寵何因選大錢臨水登山離別恨嚶嚶黃鳥隔花傳

四三二一四
卷二十四
灰中燃火數寒更生活還當問祖瑩未届引年先曳杖翻
憐撫臆似搖旌寄懷渺渺尋梅約流韻依依折柳情林慮
歛巖勞仰止肯緣詩瘦結山盟

附原韻

圖書萬卷伴吟身料理歸裝未是貧一別羅浮殊汗
漫十年簿領亦逡巡閒來可少談天客睡美知無索
判人愧我滯留成底事依然嬰疾卧漳濱

三間更與葺東廂爲要蘆簾著孟光四始元音標古

韻

新刻古
韻標準

六書遺跡付諸郎

渭川幼子甫十齡
已能通說文點畫

梓州

今日留文冢朱邑他年有奉嘗

渭川治生墳
於邑西鄉

宿草獨

憐王子敬人琴一去竟茫茫

余四秀水王
秋隱始識君

供億芻蕘令日煩拊循端賴使君恩不先期會事仍

集邑當孔道徭役無虛日先是差未至則邑之有車馬者羣集訖事自於官始罷去渭川侯需用有期

始出告條和雇某里車馬若干役罷竟歸閭境稱便軍興數載徵發倍煩民尤利賴焉匪拙催

科心有存七志提綱超鄴史萬金廢堰起西門渭川手輯

邑乘又嘗攷証漳渠故道自爲圖說文章政事吾何有枉費新詩脫口

溫

頭銜雖換不爲遷只當江湖拜散仙天女維摩聊復

爾雲車風馬竟飄然皆取渭川自題圖卷意未除結習惟文字

可有餘情憶俸錢莫笑貲郎行老大一編長慶萬人

傳

片石韓陵世幾更土花蝕盡忽晶瑩鄴中金石遺文搜羅殆盡錦

心江夏標細帙

校刻黃仲則遺詩

谷口逍遙隱素旌

虛谷歿後渭川

為經理其喪

歸為引嫌師友共

余座師李松雲先生亦以迴避解職

交曾忝

結弟昆情河梁此日還攜手鷗鷺何時復訂盟

雪

柳絮因風好句新豐年玉贈倚樓人試橫短笛梅花畔一

曲吹回忝谷春

清淨嘗思證釋迦幾曾修得到無遮會中天女應微笑來

散人間六出花

竹枝斜壓掛茅檐東鳥偷窺繡戶簾剝啄有聲非挾纈迎

風羣噪水晶鹽

銀河杳杳支機石蟾窟團團七寶輪撒手一時都搗碎怎

教滄海不揚塵

橄欖

今知回味美原自澹中求
羨爾生南國含芳蘊素修
青青還止渴落落與誰儔
九九銷寒會應輸第一流

家鄉共甘苦市井識清高
到此成佳品非因有異操
點茶寧味減入口定牙齦
頓悟酸鹹外詩人意氣豪

鄒霞城大令雪後以雉兔見餉

深山雪後飛走饑雉兔
往者將安歸今朝雪霽擁
爐坐三杯卯困知音稀
扣門聲忽聽剝啄新詩味
勝烹鮮肥盈擔雉兔遠遺
我我報瓊玖之願違欲持
健筆傳毛穎更試霜鏑驚
高聲營窟笑彼逞故智化
蜃豈必忘危機厨婦作羹

愛骨董兒童借箸相嘲譏風入琅玕竹藹藹日掛玳瑁檐
暉暉酒醒還似夢初覺牙弦几上誰同揮

霞城復以薯藥見餉疊前韻謝之

薯藥如臂來拯饑敬聞命矣翔佯歸枯臙骨瘦石磊砢肌
膚玉潔雲依稀斯物亦產上黨脊飽食好共張蒼肥自笑
宦情已獨澹猶存野性非時違晨殮大嚼欲逐逐夜夢鼓
翼聲聾聾熊蹯不如此易熟清供頗覺同忘機在山寧蹈
驚巖誚適口或貽貽腹議幾見天公劈巨掌還招王母傾
流輝雙鳩雪裡白蛙化臨井誰窺衣袖揮

附和韻

杜陵詩老常苦饑短衣獨抱長饒歸潁州官厨亦蕭

索釜飢生塵人到稀君詩似杜官似穎爲問瘦骨何

緣肥索我淇潁天掌劈

淇薯藥最大者號天公掌見清異錄今所得頗似之裁

詩許報寧依違山寒雪厚爲劓掘何異射得五采蠶
作羹或比玉糝滑灌園差息機心機嗟我生平藜藿
腹肉食空陷牧孺譏先生食飽無一事曝背竟就南
檐暉長蕭百里遠餉我巨拳肯爲雞肋揮

雪圍歌

滕六巽二何蕭颯作惡遠阻使君獵荒郊忽見三日晴凍
雲垂脚依山立少年豪事復心喜跨馬彎弓圍乍合飛者
亂墮走者僵箭聲如雨哨聲急前驅喉犬更呼鷹小駟追
風還奮鬣平生意氣此飛揚搏擊豺狼爲震懼紛紛雄顧

毛血腥團團遶地月光匝鷹犬偏能識性情供我指麾欣
巧捷

植松

亦有朱衣吏松圍入夢頻

撫言鍾輻植松夢朱衣吏曰松圍三尺子當及第

看他

三尺日守此百年身地瘦偏宜木心殷共樹人何時風雨
夜變化老龍鱗

無垢衣贈妙空長老

金縷僧迦梨傳與第一祖善緣在中州親聞夜半語離塵
法服紫袈裟右肩偏袒演三車試聽壇上摩訶戒紛墮雲
邊天女花

雪毬燈

團雪成毬試剪燈寒光分外玉壺澄
借他桂府三分影勸破禪關最上乘

寂寥偏肯照愁人瀟灑風流迥出塵
不信廣陵花月夜霓裳初試管弦新

黃致如

步雲

明府謁選入都過鄴見訪賦此志感卽

以贈別

霏霏大雪風揚花門外忽來行客車
攜兒攜孫我倒屣廿年此會生咨嗟
寒氈坐煖瓊臺席蓬蒿莫辨烟波宅
望洋孤舶春燈紅移情五指秋岑碧
我進君酒洗君塵相看俱是白頭人
嚬嚬別後酸心語涕泗橫流老更親
迴首西安還飲恨昔戀浮名事微宦

余子婦爲致如女歿於西安

浪跡何曾識險

夷有爲始信都泡幻寫盡千行萬行書不如見面譚須臾
灑盡千行萬行淚不如掉臂歸田廬君行入鄴我辭鄴登
山臨水勞追躡他時握手又他方離緒常縈魂夢接

鄰泉歌

鄰泉一勺清泠泠桔槔聲響來畦町醴泉奚必擇地湧柴
扉半掩松風生已快均堂捲雪浪還笑邱壑吞長鯨當年
讀書法源寺我師爲我題佳銘丙申歲余讀書宣武坊南法源寺中屋後有井潭溪
師顏余齋僧厨鹿盧出枕下蕭齋烟月穿窻櫺俛仰今昔
日鄰泉

廿六載悲歌感慨雞壇盟同時佔畢鄰舍子二尹二馮宋
與荆尹丹崖大令偕弟叔子馮魚山比部偕弟季求斯泉
明經宋芝山學博荆澹齋進士俱讀書寺中亦不舍晝夜故人何以嗟飄零余懷渺渺寄秋水葭蒼露

白深遙情

柳眼青

案雜占臘月柳眼青主來年夏秋米賤

衝寒惟有梅花白破臘先窺柳眼青占得豐年書大有勞
他清盼轉長亭風前弄影人何往睇處爭春夢乍醒自是
依依丰韻老却教點雪化浮萍

臘入粥

濯塵功德水煮粥曉分殮藉作銷寒會無須劃凍痕賦詩
欣館閣淳化三年十二月初八日大雪詔秘書監李至會
三館學士宴於秘閣凡應制賦詩者二十五人
祭竈辨餅罇調以防風草兒童笑語喧

口脂用杜題臘日韻

口脂柔滑寸情遙
卮酒芳醇一醉消
得雪真欣同雨玉
有風還看不鳴條
牙筩當日誇殊澤
面藥何人傳早朝
柳眼已青窺紫陌
晨曦溫燠掛層霄

歲暮懷人

雲海湖天客逍遙
自在身去官思免俗
求友賦懷人歲已
聿云暮交誰如飲醇
異鄉離別感鷗鷺
久相親

歲寒心共守鄒衍
侈譚天珍重貽家醕
殷勤饋俸錢與君
交最後待我誼猶前
翹首雙鳬舄山城
吏是仙鄒霞城大令

賢郎今老大不是病
相如譚笑中秋月行
裝數卷書蓉裳
州牧納貲爲員外郎
於上年由靈
中秋日過鄴招飲吏
隱園近傳新句好亦悵故人疏況

我慚衰朽誰爲訪
敝廬楊蓉裳農部

七子飄零盡君猶守一官等身誇著述翫翫擬鵠鸞巖邑

施長技陽春竟獨彈兒童騎竹馬來結使君歡

徐尚之大令

要余題瘦石此去獻長楊待詔趨金馬掄材入玉堂樓真

窺百尺品早擅三長家有難兄弟元方與季方

陳碩士庶常

湖襄引嫌去先後異行蹤

竹西亦以迴避改官湖北

屈宋歸荆楚風詩

始邛鄜美人欣落拓香草澹心胸他日相思處雲山幾萬

重

錢竹西大令

天台才子老仙令入山深領畧閒雲趣徘徊野鶴心斟書

魚魯字抱膝短長吟清濁漳流合梅花月滿林

戚鶴泉大令

古隸搜羅遍殘碑卷帙繁游心在秦漢落筆化籀籀縹緲

蓬萊閣

小松自題其室曰小蓬萊閣

逍遙吏隱園一般清趣味異地兩

忘言

黃小松
司馬

薦肩宜火色骨相最清臞何以鸞棲枳還憐鳳在笄惠人

思子產善政靖萑苻

蔚堂署內黃縣時與
余協謀獲奸民張標

心志當年苦君

甘獨向隅

陶蔚堂
司馬

家貧安薄宦肱折餌刀圭捧檄娛親老如賓舉案齊孟韓

欣會合今昔溯分攜廿二年來事傾譚到日西

焦綠軒
大令

少谷有詩孫東閩壯海門庭生書帶草津問武陵源黃老

治何簡風流今尚存斯民化醇樸愛日負冬暄

鄭青墅
大令

名因

天語著氣以德符充慷慨青山月馳驅白雪驥書生能仗

劒盧氏奏膚功緩帶輕裘事將毋叔子同

林曉岑
大令

通材原似鳳老子果猶龍口向西江吸尊追北海蹤雖囊
當脫穎星斗早羅胸莫效窮途哭翻憐阮嗣宗
鄧荻原
孝廉
知交半天下嘯傲老中州管樂追前哲烟霞是舊儔未聞
黃石語已作赤松游彼美人如玉高蹤不可求

祭詩

未覺精神一歲勞祭詩也自學詩豪欲除習氣惟杯酒還
顧頭顱已二毛得句幾曾和雪嚼嘔心轉笑共絲縑雕蟲
且勿矜長技有鶴聲聞在九臯

避俗頗能甘澹泊撚鬚何事苦吟哦聲非擲地成金石語
豈驚人脫臼窠果餌雜陳醑賈島龜茲復犯禮東坡鄰家
鼓響迎年急樞歲松盆錦焰多

迎年詞

梅風入戶煖生香饋歲殷勤分歲忙奏管彈絲相祝頌癡
歎競賣小兒郎

沉香火底聽笙歌畫袴朱衣說進儺爆仗屏風聲不斷烟
霄分得瑞星多

桃符到處換宜春街市燒燈耳目新祭竈夜闌聞小語偷
懷鏡卜是何人

寶扇雙雙下九霄翟衣老去羃紅綃國翁自署頭銜好笑
煞三千粉黛嬌

幾多逸興到山僧禪語機鋒得未曾清響城頭新歲角紅
光窗上舊年燈

客裏猶存萬卷書窮經皓首樂三餘長恩愛我呼名祭不用芸香走蠹魚

家家竈馬貼墻東盆缶紛陳果餌豐厨婦笑傳司命醉酒糟塗抹竈門紅

圍爐圍坐話春前守歲謹譁喜少年聽得鄰鄰車子過羣仙夜半已朝天

底事先生夜不眠團樂兒女賦迎年吳江更和坡仙句情寄東南二月天

和東坡除夜過吳江原韻

鄴中十載宦游情吳下來春放棹行分歲欣偕梅雪友藏書留與子孫耕興酣聯句追韓愈老去譚經有伏生淑景

早催添意氣雕蟲應候已先鳴

四百三十二峯草堂詩鈔卷第二十五

惠州 趙希璜 渭川

壬戌

人日

繡帳鏤金開綵勝使君置酒宴羣頤山客入望槍何急江
影拖藍柳欲絲筵上笑題人日鳥花前愛咏道衡詩遠天
歸鴈聲嘹唳我步城南有所思

梅花粧歌

寒香忽散含章殿晴檐亂滾梅花片封姨沉醉喚花神五
色紛迷人不見夢回點額作新粧貼翠調脂數壽陽秀麗
江東誇獨步娉婷金屋占羣芳翦綵翩翩飛蛺蝶紫燕雙

雙雲複疊交輝偶爾映桃顚一笑嫣然開杏靨芳院飄飄
打畫毬美人窈窕倚瓊樓祇因花鳥時貪看玉指柔荑誤
失籌

和董已堂大令

肇彤

寄懷原韻

詩新來香滿街清狂友梅雪衽舄非唐枚攢星照眼吟冬
魂猶憶淩儀度重九掀衣縱步登吹臺恨無李杜悲歌慷
慨乘遊雲霧龍蛇才書生那識靈光殿清漳卧病安陽縣
戲將筆陣掃千軍笑握牟尼成一串策駟驢歌吳趨隨陽
鳥羊元保幾會仕宦必須才賭郡宣城爭奕道吁嗟戲屐
齒留痕去住難分我欲東遊泰岱觀日出薜蘿衣好呈前
身又欲西溯崑崙訪仙子安期生與聯六姻百尺之桐高

嶧陽鳴琴雅韻誰推詳風雷變駭波濤渺茫先生移情目
瞪舌強蜃樓頃刻化巨壑海水壁立垂寒芒飄飄乎清風
兩腋來習習爲鯢爲鵬睥睨萬里而翱翔列子御我遊八
荒浮邱挹我升匡床徘徊距地九千仞手摘星斗排空蒼
縱橫眼界歸時新胸懷磊落無纖塵悠然長嘯蓬蒿宅奚
事更覓烟霞鄰一官廿載復何有猶存漉酒陶潛巾

傳柑

人聲燈影何匆匆傳柑嘉宴遵古風氤氲衣袖香灑手銀
花火樹光搖紅

良宵酬獻分甘意曼衍魚龍呈百戲淺斟低唱綺筵開三
十二天星斗墜

山家橘柚寒秋烟懷芬久結先生緣歸遺細君蘇玉局朗
吟佳句大羅天

送窮戲作

結柳爲車縛草船送窮三揖華門前昌黎文字吾何有蔡
澤輕肥事偶然身逐彩樓飛紙墜家餘煎餅補天穿道旁
一鬼揶揄笑傲骨隨君五十年

曾伴推敲矮屋中又看瓊蘂杏園東生涯不合求安宅磨
蝎非關坐命宮失意何嘗書怪事浮名未得笑奇窮老當
益壯雄心在縱步天衢白髮翁

和門人趙雲軒學博樓聽雪原韻

泠然列子御風行靜聽飄花出繡楹擲地東西飛絮影彌

天鸞鶴步虛聲山頭爽氣霏珠玉
牕外寒光閃晦明大谷
噫噓聞小谷渾忘萬竅一時鳴

和鐵冶亭漕帥天津道中寫懷原韻

退飛鷁翥短帆頭打槳波翻急
水流玉粒遠輸

天庾粟桑乾近阻直沽舟
鄭莊驛裏詩情壯紅蓼花前鴈
陣秋

恩截漕糧歸賑撫頌聲早已入行郵

度支轉運杜元凱箕尾昭回析木津
久嚮斗山宗大匠又
持漕節到儒臣驚風駭雨垂楊岸
白葦黃茅古渡濱有客
山東來蔡義韓詩願說草萊人

津門巨浸海雲秋蒿目饑黎筆底收
燮理羣瞻和鼎日懷

徠爭附濟川舟于飛已賦哀鴻集得所當知重石浮

劉勰新論

附得其所則重石可浮

聖王深仁

敷厚澤待公輸挽運良籌

愁看飄泊室無儲還憶豐登飽棄餘已是同聲稱挾纊猶
嗟忍痛使彈疽秋風燕子忘如客春事農人孰告余經
國文章誇巨手濡毫揮洒駕嚴徐

陳百泉別駕

澄源

持其尊甫秀巖先生閉門覓句圖

遺照索題爲賦長句畀之

遺像披圖我肅然閉門覓句想當年西湖和靖妻梅事南

粵昌黎祭鱣篇

秀巖官浙江
粵東者最久

薄宦何曾忘骨傲瓣香直果

待人傳酸鹹味外詩情澹百尺元龍氣萬千

茵陳餅

春到春猶冷飽喫茵陳餅療饑兼療病祝噎還祝哽幽人
甘藜藿詩情牽藻荇紅綾憶官厨茯苓削松癭細麪煨緩
火荒園採棄梗天氣中春寒蓮花殘漏永朒椀槐芽浮彫
几銀燈耿此餅入枵腹令我深猛省解頤胃生溫處囊雖
脫穎畫作十字紋還向何曾請

社翁雨

花信風來第一番社翁雨過兩三村春醪好共田家飲白
布長衫出里門

麥苗翦翦風中舞桑甚青青枝上生却羨挈瓶求李昉莫

將爲宰傲陳平

祈年土發祀勾龍
冒鼓聲聲聽勸農
雨脚迷離蛛網墜
一
間矮屋氣葱蘢

燕子何因避此辰
吹竿黃褐一番新
等閒飛鳥先知覺
遠
引輕風萬里春

和百泉贈別原韻

伶倫來嶰谷
司馬仰龍門
古調先招隱
遐心已滌煩
詩吟
彭澤令花間
武陵源栩栩化蝴蝶
春風生漆園

此身似飛絮
何處有神仙
笑逐浮名日
行艱上水船
徜徉
尋舊侶
歸去或前緣
重訪梅村月
山人得所便

流水琴鳴夜
空階鶴啄苔
新詩黃絹贈
冷宦白頭陪
誰具

千秋鑑知非百里才焚香繙貝葉整日禮如來

無官長卿病搯鼻郭舒狂夜月藏花塢春溪漫柳塘澹情
歸我早雅興引盃長釋駕行千里翻憐老不僵

招同陳百泉田小坡別駕吳問亭明經錢竹西吳適
齋大令朱翊嘉陳鴻軒少尹顧懋堂張穀堂秀才
馮瑤圃黃小渠上舍兒子惺集柿旺村襖飲二十

韻

釀熟桃花酒遊非薄落津鄴中尋故事洛下羨前人合宴
清箋擘隨波小戲陳晉公詩首倡白傅句偏新遙溯開成
歲還如癸丑春浮橋村外影野鷺鏡邊身雲碓春香暖鶯
梭織綾勻張裴欣接踵紀顧得連茵有客譚元牝何鄉養

谷神老符堪共飲玉局且娛賓曲愛觴飛處蠻憐語軼倫
似聞啼寶誌不敢笑靈均日竟支移已時剛斗指辰輕紅
斜照隱淺黛遠眉皺曝藥來文鵲烹鮮買錦鱗山齊環柿
旺家擬住洹濱爲結烟霞契從知燕雀親鼠鬣描蘭紙雅
會寓天真一詠聊云爾羣賢總可因形骸同放浪少長莫
遽巡

和百泉禊飲原韻

郊原底事斷晨烟是日寒食觴詠欣看渺靈天上已鶯花寒食

節蘭亭風景永和年

橋頭禊飲尺書邀草綠叢泉雜澗饒留得香山餘韻在鄴
中簪組會芳朝

操柅誰爲水戲圖
頽然自放樂絃壺
一聲長嘯煙雲杳
平遠山青澹欲無

鼠鬣重製仿羲之
酒伴難尋喚斛斯
撲面楊花吹作絮
更無人唱柳枝詞

和竹西襍飲原韻

觴詠亦何暢
鶯花且試探
同遊人十二
此會月重三
煮茗清冷水
提魚翠竹籃
都無城府氣
得得好聯驂

新愛蛾眉月
輕憐少女風
粘天層嶂碧
散綺晚霞紅
妙語追王濟
狂歌傲陸通
管絃絲竹事
或笑不同同

四孃嗔子美
老媪喚婆留
野趣林泉迥
閒身氣味投
偕行及時樂
與道得天遊
飛鳥依人意
盟慙舊狎鷗

襖游修鄴下俛仰憶黃初村父譚今昔詩僧訊起居桃花
穠處好酒盞老來疏緩步虹橋上波光漾太虛

放春

管子放春原有令先生行樂亦猶人萬花供我文章麗三
月隨時耳目新絮點池塘足生意誰將圖畫寫天真嚶鵲
求友聲偏急雨雨風風過九旬

送春

九十日春留不住六千里客獨長吟兩人喜共風人好花
影憐同月影沉

梅雨

雲氣沉沉雷發鼓芳田灑徧黃梅雨金丸初墮隔溪烟綠

槐新結同心縷止渴還吟迨吉詩調羹試擬爲霖語何當
煮酒論英雄忘與蒼生權出處

盧橘楊梅先後熟夢魂顛倒羅浮麓脩脩荔子江邊紅翩
翩么鳳林中綠嵐光縹緲影依稀玉水丁冬聲斷續簫笠
人尋賣酒田軒轅授我長生籙

櫻桃

綠柳成陰絮飛去朱櫻初熟鳥銜來不須野老筠籠贈試
作芳筵笑語陪笋嫩同腴香積飯蔗寒分滿夜光杯山家
餽客惟清供擊鉢吟詩逸興催

安陽大令張柳塘同年 丕緒 招食引水餅卽席戲贈

北方噉餅如噉飯牽絲引水滋長蔓細膾浮湯異冷淘老

饕適口貪肥嫩，翻慙屬饜臣。無助還憐斗，麪人含怨此風。
原自東晉盛油煎，卽作炬粒論往來。親串交饋，餉言語吉。
祥倍纒，或作生兒嘉會。設我強加餐，同座勸不使饑腸。
轉轆轤能供缺齒咀，柔曼飽仍揮塵肆清譚。汗拭何郎粉，
新視。

冰紈扇歌

冰紈偃面揮薰風，迎風斷續誇女紅。巨甕不作圍客繭，輕
綃潛織鮫人宮。豈是馬頭孃幻化，如牽蛛腹絲西東。竹扉
斜掩有客到，忽携絡具來齋中。刻燭欲燵人寂寂，空階細
雨霏濛濛。雨絲入口縑以手，玉漏殘夜聲遙通。休文清瘦
得仙骨，團扇瀟洒何玲瓏。纖縑織素問新故，莫教捐棄忘。

初終

浴佛會

駢填士女集龍華香火緣斯日悉達誕夢寫陀羅禪莊嚴
滿月容恭敬偏袒肩拂拭明鏡臺被濯菩提泉小盆貯銅
像沿戶輸金錢吐水來九龍捧足生七蓮梵樂與法音僧
尼如雲烟散花景明寺丈六軀以千入口日精乘墜地右
脅穿嘉瑞三十二一一珠林傳許可范豫章悲泣劉敬宣
已出有爲界清流何涓涓

和東坡四月十一日初食荔支原韻

不拈筠管生蒲盧新詩欲裁霜穎枯涎垂五月荔子熟誰
啗一騎紅塵驅晶毬分擘歌無襍絳房忽坼冰爲膚斫江

鯨柱思謫客學先生言非暖姝此腹空空一物無充饑跪
持忘廉隅豈必延年天地壽轉啗當爐心計巖玉樓紫閣
香霧醕爇雲火實滄海珠手弄摩尼焰不熄噉同石髓甘
且腴何須鬪品粟粒茗莫更冥想銀絲鱸我儀古人清儉
事攤紙戲作崇龜圖

五月廿四日與百泉坐話嶺南荔子之美

夏至脩脩梅雨過風亭顥顥荔支燃承蜩九轉將軍樹剖
蚌胎成海月天莫使色香隨味變登之槃乍走珠圓嶺南
人識東坡語三百何如食萬錢

姑射仙人衣絳襦剡溪藤紙寫君謨日臨帖字消長夏時
動鄉思詠大蘇曾向名園評甲乙況逢雅會設姚盧增城

掛綠饒芳脆合與新興品格殊
粵中荔子以增城掛綠第一
新興香荔次之乙未余
館穀增城姚期遠盧得門設
荔子會招飲園中評其甲乙

遊大伾山

崖仄淨如洗嵌翠空欲滴百年老道士說古餉游客黃河
昔東下大伾此西逆巍巍山爲莫茫茫禹之迹紫金與鳳
凰蜿蜒生肘腋近挹浮邱袖遙聯太行脉平地壯波濤晴
天鳴霹靂帆影落牕底雉堞出雲脊南徙治賈魯前代沉
馬壁彌望桑麻叢半是蛟龍宅暮雨飄雄風蒼柏化雌霓
携我山上行共躡花間屐臺閣開畫圖歌嘯永朝夕徐福
童男女武陵源阡陌人盡譚長生地豈誇遐僻神仙如可
求蓬壺欣咫尺

爲酷暑所逼耳聾十日新秋忽雨耳亦漸瘥招客小

集戲遣旅懷

譚元四座風橫生雙豎狗耳聞龍聲殷殷出地霹靂疾曉
曉騁辯刀槍鳴我聾莫能辨衆響坐看浙瀝心神清亦如
大將建旗鼓獨憑盛氣吞鯢鯨額角不復開耳聽爽色早
已新秋迎砒然有聞卽所見離婁師曠爭聰明酷暑逼人
實太甚嫌當以慨相交并一雨豈惟解內熱此身富貴浮
雲輕

和竹西夏蟲十詠原韻

原序云慨夫時哉得過穴且號於寒風說也可憐
冰更疑於夏日笑叩頭脂腠卑竟難辭苦負版跟

蹠重還強任命似延於呼吸力并竭夫股肱釀蜜
鬧衙非不傳呼擁衆吐絲成繭其如束縛纏身看
轉糞以爲丸詡詡若懷其寶嘆撲燈而赴焰紛紛
何附於爰大甕裏之天堪嗤懵懂隱海中之市尙
想吹噓僕也蝶夢沉酣蛩愁淒切債多似蝨此間
欲避諺臺居寄如螺何日得營家室懶顛當而閉
戶退院枯僧僵豚望以戀芸著書傲吏飛蛺用去
已妙手之空空屈蘄求伸亦勞心之草草生真虛
度蟪蛄不知春秋詩果窮工蝌斗可傳文字聊摹
世態且作蟲吟指意詠諧肯故爲含沙射影寓言
懲勸不妨當疥癩知聲云爾

蠅

觸曉毆難已憎人嘆爾生

歐陽修憎蠅賦
吾嗟爾之爲生

魚驅轉依附水

致枉經營管輅占何異倪濤畫未成偶鑽騏驥髮亦自奮
先聲

螢

暗中工附熱飛處競生涼月映朧朧色星流的的光灌寧
傾渤海腐尙入緇囊巖谷徵求易宵蹤翠柳行

蟻

地理憑誰達槐安寄與濃藏身知道在分土剖符封蚊蚋
欣羶致龍蛇遜景從耳虛聞爾闕何物繫微蹤

蝸

由來事蠻觸不必厲廉隅綺壁留餘跡饑涎已半糊廬空
異龜綸篆繞似藤枯負殼鸞跼處無須慰我劬

蛙

一餉吟王令元僚羨杲之會聞池可咒方信水無私心爲
憧憧擾鳴奚軋軋思金丸來進客意氣少人知

蚊

昏市飄飄徃爰天蠹蠹來嗜膚真得計巢曉莫相猜黍米
攻宜火崕峒聽若雷舍人勞間朔甘受脫禪災

蚓

却行偏善引無口巧揚聲詰屈求伸意賁緣應候鳴所乘
當不失仰穴自爲生污蘖能留客於陵浪得名

蟬

微軀甘飲露美蔭竟忘饑
踈柳鳴何惡殘聲曳若遺
小時翔水慣老去伴貂遲
前却形難覺機心聽已知

蜘蛛

周旋原細密絲絡自盤回
亂錦花初貼垂珠雨乍來
那堪填慾壑不是網竒才
得地交蒙幕謀生托圓臺

蟋蟀

振羽趁薰風無聲穴舍東
瞿瞿人靜後奕奕月明中
漸覺秋期近還憐范甌空
一鳴驚嬾婦羈絆入樊籠

四百三十二峯草堂詩鈔卷第二十六

惠州 趙希璜 渭川

王戊

安陽縣留別五首

白頭真果稱歸田絳帳風流景昔賢考滿自甘書下下醉
來不覺舞僊僊羅浮烟雨六千里秦豫依栖十九年今日
楓林衛河曲生徒揖別淚潸然

失馬此翁知是福罷官如我復何言已同大瓠拙於用差
幸狂奴態尙存賣菜不求詢鼎鉉謀生豈必課雞豚床頭
五柳先生傳合許高名附趙溫

前身可是劉公幹作令猶追崔信明楓冷客偏忘病體桐

焦誰爲辨琴聲佳材落落供人獎好句欣欣擊鉢成韓孟
聯吟真雅會海鷗遠引締芳盟

敢云解組故人疏爭看歸帆麗日舒留得良言貽子弟莫
形德色借耨鋤裝無陸賈千金產家有梅花半畝居此去
定從嚴瀨過問他求益竟何如

父老攀轅十載情詩書課爾一經明但教人遂融融樂底
事官求赫赫名黃老治猶輸太簡申韓學早媿無成鷹鷂
奮擊思鸞鳳已有前賢畏後生

附廖茹廬大令

連

和韻

筆硯研棧舌爲田嶺表通經趙德賢未老何因賦招

隱此行原共羨登僊

渭川改官郎中投牒乞歸

先生報政傳三異

賤子論交僅一年留別新詩人讀遍足音空谷想登然

高蹤合許追彭澤循吏何堪獨寤言四野新培桑已茂一籬手植菊猶存心勞撫字看調馬化本慈祥憫放豚念我初官同晦室幾回相見語溫溫

辨字精詳宗許慎譚經博雅逼慈明偶因餘暇裁唐句直使侏儒屏鄭聲架滿琳琅惟性適咳生珠玉本天成尉佗臺畔秋風遠落落騷壇孰主盟

贏得蕭蕭兩鬢疏不憂貧處早安舒遙天野鶴難同侶滿徑閑雲任把鋤每向酸醎尋趣味轉從離索歎羣居燕遊十友神交久定使羊求愧弗如

扁舟行矣倍關情長揖當途來去明迂道以還非矯

俗奉身而退豈逃名買田陽羨心何遠採藥羅浮事

竟成駟馬高車真悻悻入關已笑棄繻生

渭川初仕關中

陳思農大令

瑞圖和韻

可有歸耕負郭田抗懷祖帳二疏賢向家昏嫁平生

願賀監湖天小隱僊風雨重陽憐異客鶯花上已感

流年

渭川於上巳日招赴柿莊村修禊

朋儕聚散同雲水回首春明

已悵然

甫唱驪駒猶繫馬況逢令節惜離言荷鋤彭澤閒情

遠落帽參軍短髮存楓葉霜酣斟菊酒蘆芽春暖食

河豚故人零落傷鄒子吹律旁分黍谷溫

羅浮圖畫夢魂清梅月爭輝分外明

渭川有過眼烟梅夢圖

雲南北轍入山風雨合離聲玉龍瀑布來雙澗仙樂

鈞天聽九成大庾嶺頭逢驛使一枝好結歲寒盟

買犢豈徒傳渤海緩刑真不媿溫舒庭生青草堪娛

客門有芳蘭未忍鋤懸磬還遭督郵怒移家合傍陸

渾居子雲高卧誰人問儋石無營祇晏如

雄文自是千秋業潛德長教沒世明

蒙賜先君識銘吟嘯騷

壇看樹幟風流吏隱已兼名同寮意氣傾林父分宅

交情重郗成積土爲山原不易葱葱嘉樹豫章生

錢竹西和韻

會聞種秫卽良田歸去西疇陶令賢文潛溫邢聯意

氣羅浮鮑葛是神僊何妨傲睨無拘俗但得清閒可
駐年十載淮陽老不調山容人髻各蒼然

此去棲遲獨樂園轉因得意更忘言扁舟祇覺江湖
適三徑尤欣松菊存曾以無貪矢飲水不爲已甚拒
歸豚百城林下圖書擁萬卷芸編又故溫

天涯宦跡本難并此際分馳出處明湘水尙教飛楚
夢陽關肯便奏秦聲生憐鴻雪蹤無定端羨莧裘計
已成總是知心期耐久漂離不負歲寒盟

渭川與余
先後引嫌

改官他去余不能無楚北
之行渭川已決計引退矣

平生學術媿荒疎深幸經帷拜仲舒文陣鏖雄排壁
壘書田闢穢仗耒耨開尊每入孔公坐問字頻過揚

子居他日相思天一角暮雲春樹意何如

無限臨岐折柳情收枰一着看分明鱸魚竟遂秋風

思盃酒何知身後名筆札莫仍書吏隱苔岑非乍訂

交成鬱林片石歸裝重我輩從來不治生

渭川搜別
鄒中漢唐

碑碣
甚多

鄒霞城和韻

風檝初停服故田磨穿一研讓君賢

渭川以研
檝名其集秋來

易感況言別老去無聊思學僊野叟低徊緣愛日寓

公留滯忽經年故人半作搏沙散不待臨岐已黯然

年來陳思農錢
竹西相繼去鄒

枕榔葉裏暗柴門好去槃阿獨晤言莫四朝三誰復

道度阡越陌枉相存仙山粉蝶齊舒翅海國花豬笑
擘豚憶否天邊未歸客賓鴻社燕各寒溫

吳頭楚尾涉江行畫舫浮空一鑑明試倚惱僂新度
曲應嗤老婢舊吟聲子如倦馬繯初脫我似枯蠶蠶
未成倘過匡君煩寄語烟蘿終不負心盟

勇退非關景二疏閒雲自卷不宜舒著書急豈徒充
棟謀食迂纔學荷鋤玉笛聲中還舊夢合江樓畔買
新居廿年秦豫棠歌遍回首光陰掣電如

治顰社飲漫多情老聽原聰眼復明

聞近得耳疾
不決旬而愈手

版任教塵作網頭銜新以酒爲名故應稷下談天衍
解識宏農坐嘯成早晚蒲輪徵鶴隴逸書還訪濟南

生

陳百泉和韻

非甘問舍與求田無那名山愛引賢
滿塢白雲歸舊隱雙輪彩蝶控飛僊
回看伏櫪悲歧路轉笑懸車待暮年
德有鄰堂風日好殊池墨沼我悠然

辯論縱橫真落落垣墉高峻仰言言
竟將棠蔭留遺愛知是靈光幸獨存
十載追隨思附驥一官偃蹇似騎豚
每從問字趨前席挹取春風座上溫

綽約文情霞綺爛澄清詩境水空明
小樓春雨思千里長笛秋風聽一聲
在座久親黃叔度橫經細勘鄭康成
等身著述他年事金匱名山早乞盟

彌望郊原卉木疏寶刀明月耀哥舒豪情合與秋光
麗淺學還欣客氣鋤珠海杳茫橫野艇鶴峯紫翠構
新居浮沉我亦類唐甚羨爾飄然意曠如

鄴下楓林揖別情大儒強半出遵明好知求附高人
傳不必仍爭豎子名庾嶺有梅迎玉局瀛洲招隱到
雙成者番紫府頭銜換自署仙班手尙生

魏王伯與殘碑拓本

是碑上下殘泐存文十九行三百七十字首行載
于有成父者出仕於齊獲狄榮如孫湫違難爲萊
大夫遂缺共二十有二字按左傳文十二年傳齊

襄公之二年鄭瞞伐齊王子成父獲焚如之弟榮

如成十八年傳齊使清人殺國勝國弱來奔王湫
奔萊注湫國佐黨襄六年傳齊侯滅萊萊恃謀也
晏弱城東陽而遂圍萊王湫帥師及正與子棠人
軍齊師齊師大敗之丁未入萊萊共公浮柔奔棠
正與子王湫奔莒莒人殺之注湫故齊人魏志王
基傳基字伯興東萊曲城人也首行云云當表其
上世耳以下屬句者稟天素皓爾之質兼苞五才
缺德之茂慈和孝友元本道化缺思六經剖判羣
書綜核無形忠正足以格非兼文武之上略懷濟
世之宏規按蜀志劉巴傳注足下天素高亮似是
稟字上有缺文當以缺稟天素皓爾之質兼苞五

才缺德之茂爲句又舉孝廉司徒辟州輒請留以

自毗輔後辟大將軍府拜缺國典維新出爲安平

安豐太守敷崇惠訓典刑惟明缺躬以允帝命遷

荊州刺史揚武將軍又遷使持節鎮南缺穴朱旗

所麾前無交兵克敵獲僂斬首萬計賜爵關內缺

臺諸夏震蕩王師雲集公翼亮缺無遺策舉無廢

功故能野戰則飛虎摧翼圍城則鯨鯢缺於九有

也比進爵常樂亭安樂鄉東武侯增邑五千戶缺

之算征有缺之威而忠勤之性乃心帝室屢奏封

章缺彌留年七十二景元二年四月辛丑薨公天

姿高素與缺亡則令儉歛以時服於是缺將矩奉

冊追位司空贈以東武侯蜜印綬送以輕車不

缺

泰山之速頽恨元勛之未遂俯仰哀歎永懷慘悴

以爲

缺

竿鏤石表墓光示來裔其詞曰

缺

塞憲章

墳素昭此物則居則利貞在公畢力化流二邦

缺

寧民是用息升降順道德讓靡忒曾不愍遺我

缺

按本傳黃初中察孝廉除郎中是時青土初定刺

史王凌特表請基爲別駕司徒王朗辟基凌不遣

凌流稱青土蓋亦由基協和之輔也大將軍司馬

宣王辟基未至擢中書侍郎碑云舉孝廉司徒辟

州輒請留以自毗輔後辟大將軍府蓋指此又本

傳遷安平太守公事去官大將軍曹爽請爲從事

中郎出爲安豐太守曹爽伏誅基嘗爲爽官屬隨
例罷其年爲尚書出爲荊州刺史加揚烈將軍隨
征南王昶擊吳基別襲步協於夷陵取雄父邸閣
米三十餘萬斛虜安北將軍譚正納降數千口於
是移其降民置夷陵縣賜爵關內侯碑云出爲安
平安豐太守遷荊州刺史揚武將軍又遷使持節
鎮南缺克敵獲僞斬首萬計賜爵關內缺盖指此
又本傳高貴鄉公卽尊位進封常樂亭侯母邱儉
文欽作亂以基爲行監軍假節統許昌軍欽等已
平遷鎮南將軍督豫州諸軍事領豫州刺史進封
安樂鄉侯淮南初定轉基爲征東將軍都督揚州

諸軍事進封東武侯常道鄉公卽尊位增邑千戶
并前五千七百戶景元二年基薨追贈司空謚曰
景侯碑云比進爵常樂亭安樂鄉東武侯增邑五
千戶景元二年四月辛丑薨將矩奉冊追位司空
贈以東武侯蜜印綬蓋指此惟揚烈將軍作揚武
將軍五千七百戶作五千戶又遷使持節鎮南
與本傳前後叙次互異耳兵卽古文兵字將官名
矩人名蜜同密說文作宀必聲美畢切安也今
經傳通作密廣韵密美畢切爾雅郭注靜也玉篇
止也默也深也又秘也埤蒼秘宀也集韻或作密
秘說文神也兵媚切徐云秘之言閉秘不可宣也

廣雅勞也密也藏也史記孝文紀祕祝之官後漢書伏湛傳湛卒賜祕器馮勤傳賜東園祕器賻贈有加趙憙傳憙子代物故賜祕器錢布鈔期傳贈以衛尉安成侯印綬祭遵傳贈以將軍侯印綬建武元年復設諸侯王金璽綬綬公侯金印紫綬又諸侯王列侯始封貴人公主薨皆令贈印璽玉柙銀縷蜜印綬云者蓋祕藏之義也亡友偃師武盧谷曾爲余言碑出土日甚完好上下丹字俱存以璽裹瘞蓋當時字未鏤竟而藏埋入土者攷基傳景元二年薨四年魏平蜀次年改元咸熙次年晉受魏禪或倉卒有未及竣工者歟昭文張子恂持

此本以贈云碑爲土人藏匿故拓本甚少茲已移入孔廟矣後人當何如護惜之耶

琅邪王出成父後孫湫達難東萊久姜齊二守選高國姬周百世聯甥舅魏承秦漢凋敝餘以水喻民王伯輿殘碑三百七十字首揭上代禽榮如繼表湫爲萊大夫曲城支派遠不誣慈和孝友本道化忠正文武懷良謨據持元義抗衡肅作卦還向公明卜何以幡然絕思慮難析纖微窮委曲竹帛終當彰異才御兵扼要堅爲摧勲名凌昶相伯仲事幾艾會交嫌猜那及身沒仰清素家無私積邀異數景元二載加贈賻咸熙五等隆恩遇千五百年碑喚人北却阪上披貞珉波勢縱橫復嫵媚土花斑駁生精神學行

堅白志陳壽參以此碑笑關漏良臣彥士國之珍萬丈光
芒環列宿

秋雨

孤館夜岑寂三更風怒號雲翻一天雨秋起萬松濤旅況
淒清久狂吟意氣豪寄情耽漢魏把酒讀莊騷

叢桂盛開百泉招飲花下卽席賦贈

彩鵬飛控仙官至金粟香分秋氣多醉認瑤階生玉樹燦
疑璧月掛銀河殷勤董謁塵猶隔慚愧吳剛斧未磨知是
君家功德重連蜷偃蹇泰山阿

留別顏耘圃尙書追和其赴江西廉使任過鄴贈別

原韻

眼孔猶堪窺豹錢唱酬追憶識鳶肩歸舫驚夢黃花節庚子

九月與耘圃同舟旋粵

去洛何人碧落僊勾漏任教耽放浪申屠原

不樂羈牽鯤鵬變化天池內好讀南華第一篇

菊花盛開招同百泉霞城竹西小集疊留別韻五首

猶存元亮未蕪田種菊東籬酒聖賢金翅乍翔雲外鶴玉

塵不賭橘中僊

菊有名金翅鶴及玉塵僊者最佳

閑將季野春秋筆細譜

莊周大小年同爾瘦狂矜傲骨南山相對更悠然

湯誇晚節留餘綺爭笑名花不解言垂老二毛甘冷落就

荒三逕與溫存終年作苦羅含宅盡日爲歡廣漢豚何事

餐英貪口腹先生氣海自常溫

牆東茅舍兩三楹斜截殘陽一角明花事移形偏就影秋

來聞響不生聲

列子聲動不生聲而生響

不欲敲強韻驚韓愈先繪幽懷

倩李成知道丈人心澹永肯歸廬社結佳盟

孤高雖覺是蕭疏蘊積猶欣任卷舒顧我飄零同旅鴈此
身浩蕩伴春鋤一林翠竹環幽巘遍地黃金稱隱居不用
逃禪聲界外色塵已自現如如

漠漠無情對有情秋容愈澹透簾明試看羣卉多遺憾始
識竒葩副盛名藻績詞求司馬賦團圓屋待阿嬌成等閒
桃李春風客悞入霜畦面目生

旅懷寄耘圃

鴻鴈鳴朔風結侶天南去長唳深秋日高蹈斜陽暮旅人
聞此聲遙情寄何處紅葉滿滄江是我來時路

來去亦何常久客歸思苦逃祿冀偷生引年求解組車笠
故人情綿密同心縷豈以雲泥隔莫遂烟霞艫

隨陽事行役稻梁謀艱辛萬里不辭瘁一朝離舊羣志敢
慕黃鵠名愧依青雲徘徊新與故寥落傷心神

得新忍忘故出門占有功相期茅茹連況復臭味同含沙
工射影斷梗悲飄蓬所貴防未然哲士明初終

宵行

寒溪月漾蘆花白茅店霜酣柿葉紅聽得五更鐘欲斷行
人猶在夢魂中

和百泉別駕吏隱園賞菊原韻

杲然詩澹異郊寒敢以狂鳴傲李寬眼外烟雲前日事籬

邊杯酒故人歡陶情適性應如是成佛生天總不難洗淨
鉛華空色相底須仍作畫圖看

久除煩惱證觀音還喜流觴入柰林待月縱譚忘夜永拈
花微笑樂交深天風飄蕩羣仙聚木葉蕭森萬籟吟老圃
秋容歸吏隱獨操藻鑑賞渾金

寄懷丁郁茲大令

履端

同年

風淒淒雨霏霏落葉飄蕩將安之故人千里百里遠離緒
一日三秋違那有長房鞭王喬舄朝朝暮暮相追隨龍蛇
乘雲復遊霧燕雀自來還自去旅魂風雨合離山歸舸烟
水蒼茫處城上烏尾畢逋樓頭笛聲蕭瑟愁多已瘦沈郎
腰才空枉說江生筆噫吁戲鳥飛無羽雞鬪折距會不如

鶴鵲眇小巢卑枝決起羞偕鴻鵠伍復不如樗櫟拳曲藏
幽巖不中繩墨與規矩五石之樽浮江湖百金之藥今有
無所用者異與古爲徒彷徨逍遙呿呿吁豈蓬心而猶
未化竟物害忽已先祛夫奚知不顧不夭善於用無功無
名聊自娛先生脫然灑然高踞泰岱之巔俯視齊魯之邦
蠓奔穴蟯轉丸恍惚變幻百出爭榮枯移山我嗤愚叟愚
放言寧作莊周奴欲尋舊夢蝶非蝶得契至樂魚非魚水
淺坳堂膠芥舟雲深縹緲登瓊樓手搯安期九節杖爲問
長庚同醉不更携謝朓驚人句羣仙一笑歸瀛洲

謝百泉別駕霞城大令惠蟹

昨宵王吉都亭夢一代文章屬長卿偷醉早梅持左手海

龍王莫笑橫行

海東相共朱登遺京兆尹酬張敞書分貶媿非蘧伯玉尖
團臍品味何如

蟛蜞悞認二螯句爾雅何曾仕學優儉父頗留真面目一
官偃蹇老中州

有花莫對陶籬晚有酒憑教畢卓偷我勝錢昆酬夙願盈
筐分惠到監州

秋思合盡付秋風不辨詩筒與酒筒倡和無如閒處好老
來情緒陸龜蒙

有筐堪佐笑譚餘誰說無腸腹筍虛終日著書尋郭索看
花人訪子雲居

十月十八日熊藕耆

寶泰

過訪

老友一日不見面廻腸九轉無已時天高風緊凍雲立地
偏心遠霜菊知扣門忽喜藕耆到如蘭斯馨羣卉腓倉卒
主人倉卒客厨有豚蹄槃荔支晚殮餉以脫粟飯魯酒泛
笑琉璃卮回溯少壯卅載事共析奧義千秋疑狂言驚座
掩耳走行卷擲地爲人嗤春風野草莫傾倒雄文健筆云
支離今如病馬久伏櫪又似倦鳥栖卑枝晤君各叙貧賤
話肆志擬採商山芝

追憶

追憶桃李花春風二三月嫵媚矜艷陽嬌姱傾繡闥謂爾
好顏色及時交鬱勃妍留衆目仰巧自天工奪笑口爲誰

開錦心爭怒發文章富園囿烟景迷凹凸一桁晴雲生百
轉流鶯聒雨露忘滋培蜂蝶競掠撥有女誇舜英同車出
華閨櫻唇正濃渲蛾眉還澹抹花容對人面掩映互秀越
秉燭貪夜遊賦詩豈才竭坐到玉繩斜酒無金谷罰頗似
勛業盛罔識彌縫闕功立名弗有事成身勿伐嘉行溯前
言鉛刀堪一割昏暮搖尾憐塵埃望拜謁所得會幾何其
間不容髮望春春夷猶送春春休歇逆旅暗循環雅遠欣
曠達高卧長生枕碩隱神仙窟絢爛不知處本根寧可捫
齧草遺蛩蛩抱甕嗟搢搢蠡管任窺測天海本空濶當知
至理充默運元氣活顧我用鈍器勞筋與苦骨何敢求營
營已是日矻矻採桑人傷悲歌聲度林樾

高亭

太平寰宇記高亭搜神記云相州安陽縣南有亭
宿者輒驚死後有書生來宿夜半有人着黑衣來
呼亭主此有宿客耶曰然暗嗟而去又有人冠赤
幘來問如前移時無復來生乃呼亭主問之向黑
衣者誰曰北舍母猪赤幘者誰曰西舍老雄雞汝
爲誰曰我老蠍也天明掘之得蠍大如琵琶并及
猪雞亭遂安靜

黑衣赤幘記分明底事雞豚浪得名大蠍殷殷作人語高
亭夜宿芥書生

面山亭

爽氣西來挹小亭開門正對萬山屏任他面面玲瓏岫不
及迎人眼底青

狎鷗亭

歸去故鄉鷗可狎誰云此日客忘機已從湍水登芳岸無
復浮埃到雪衣

觀魚亭

能知魚樂我非魚猶避彎彎月影虛湖海烟波真肆志揚
鱗鼓鬣網全疎

來鶴亭

西冷放去我收來錯認青山萬樹梅想是香魂招爾隱一
聲高唳下銅瑩

茶竹亭

有斐何須發永嘆崔家亭子竹千竿美人翠袖空同句一
水盈盈生暮寒

小適亭

一邱一壑寄閒情小適超然快此生我輩會心寧在遠茶
鎚藥竈俗緣輕

廣春亭

萬卉迷離耳目新芳蹊踏遍看花人春光如海春難覓小
茅亭是廣春

墨井

元雲乍結石如水已息機心墨井澄好與漢陰同遯跡笑

人堂下飲三升

南臺

浮屠九級聳峻嶒縱步南臺第一層鋪叙高王功業可
餘片石在韓陵

飛仙臺

凌雲臺子昔飛僊僊去臺空鎖暮烟方丈日邊誰縮地尙
書夜半已朝天猶聞笙鶴餘音遠可有饌鐺妙蘊傳火棗
交梨等閒事黃庭內景試參元

雙鳥飛飛度遠天三山渺渺種瓊田但求至樂能尋我寧
羨長生始學仙絕絆此心同野馬放流何處羶奔泉白雲
雞犬劉安宅定與淮南結舊緣

菊莊

終日勞勞送客忙扣門酒甕短籬香主人白紵青藜杖誰識城南菊一莊

漁莊

小記漁莊松雪書雲卿別墅萬金渠門前亦有桃千樹不是秦時避難餘

圭塘

輭風細浪生圭塘夢影逃離天一方聽得採蓮歌入耳隔花偷送返魂香

天地

南溟豈必是天池海運鵬飛亦太奇山上出衆匪習坎天

光雲影靜中窺

園菊將殘尙存佳種數十盆取作屏風隔座得十絕

句

霜華冷送寂寥中園菊將殘興未窮
尚登吟肩評月旦獨撐傲骨作屏風

亂頭粗服合成圍不與幽人野性違
怪道瘦狂同臭味幾曾雲母識柴扉

飄落何依太白詩當榮不採寄杲恩
而今伴我頽齡叟遠勝清防五色披

金盞牙杵香暗凝頗同匣劍與帷燈
曹家畫手躊躇甚捉筆無從悞點蠅

紫菊參差笑口開快登几案說重臺晚霞將散留餘綺觸
面人憐薛夜來

軟圍四面誰能越收拾三秋景倍增座有徵君人不識此
花耐久是良朋

一經搖落費尋思小閣延他勝結籬我是清貧吳處默坐
無氊席竹蓬支

耳目從今又一新幽芳竒矯出風塵疎疎密密原難辨笑
倒吳牛喘月人

不飲醇醪鄙吝祛星羅雲布到蓬廬定教曲折能從俗爭
仰當年王景舒

補納無須畫簾闌落英不必贊嵇成故人昕夕常相守傲

晚風霜物外情

讀史

從來入地與升天原藉才人筆底傳何物小兒矜作色尊
公佳傳立當年

難讐訛舛魯魚連不必義黃怪誕傳誰識誤書思最適一
番搜索轉茫然

彌郎風格本翩翩非獬何因奪萬全不愛熱官思爛熟長
吟魚鳥見流連

銅壘叵羅人半醺有文無行如憐君一妻耳順稱孀子盲
老翁偏作領軍

家訓文章久竝行周官左氏早知名枕中篇未傳來裔作

賦何如觀我生

變風絃管霸圖宏霧集烟霏仰鄴京雅道猶存篇什富好
將輕艷辨蛙聲

寄答徐西山

用書

刺

時得西山書促
余赴保定節署

熱官不愛思之熟老景頻添歲又更行立憚煩貪坐臥語
言多複減聰明邛堪落拓依嚴武久已才名厭禰衡南望
羅浮吾舊隱雙輪蛺蝶夢中迎

圍爐歌

庭樹無風日色白冰筋當門如列戟割愁豈必劍鋒山圍
爐且學昌黎伯乍支石鼎寒已消不有軒轅詩亦豪團圞
圍坐話兒女家庭樂事嗤松喬煨芋呼耶頗撥火含飴啟

口還食我戲作長歌仿杜陵偏使箇儂嘲飯顆老妻畫紙
碁局成爐邊莫笑彈空枰更將雪水試佳茗癡眼初開活
火烹